



Broj: 01-05-45-3046-5/22
Tuzla, 09.05.2023. godine

**Oglasna ploča i web stranica
Kazneno popravnog zavoda poluotvorenog tipa u Tuzli**

PREDMET: Obavještenje o obustavi započelih konkursnih procedura za prijem i postavljenje državnih službenika i prijem namještenika u radni odnos, dostavlja se,-

Obavještavaju se kandidati da se sve procedure u okviru javnih konkursa za popunu upražnjenih radnih mjesta odnos državnih službenika i javnih oglasa za prijem u radni odnos namještenika u Kazneno popravnom zavodu poluotvorenog tipa u Tuzli (objavljeni na web stranici Agencije za državnu službu Federacije Bosne i Hercegovine i Službenim novinama Federacije Bosne i Hercegovine, u odnosu na prijem državnih službenika, te dnevnim novinama u odnosu na prijem namještenika), u skladu sa Zaključkom Vlade Federacije Bosne i Hercegovine V. broj: 664/2023 od 04.05.2023.godine, obustavljaju do daljnjeg.

O daljem statusu objavljenih javnih konkursa i javnih oglasa, kandidati će biti blagovremeno obaviješteni putem web stranice Agencije za državnu službu Federacije Bosne i Hercegovine (kandidati za popunu upražnjenih radnih mjesta državnih službenika) i web stranice Kazneno popravnog zavoda poluotvorenog tipa u Tuzli (kandidati za prijem u radni odnos namještenika).

Prilog:

- Zaključak Vlade Federacije Bosne i Hercegovine V. broj:664/2023 od 04.05.2023.godine;
- Obavještenje Agencije za državnu službu Federacije Bosne i Hercegovine o obustavi održavanja ispita općeg znanja i stručnih ispita.

Dostaviti:

- Naslovu;
- Arhiva.



DIREKTOR

Jasmin Omerbegović

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 1. sjednici, održanoj 04.05.2023. godine, donosi

ZAKLJUČAK

1. Zadužuju se federalna ministarstva koja vrše ovlaštenja organa Federacije Bosne i Hercegovine u privrednim društvima sa učešćem državnog kapitala, da u roku od 15 dana, Vladi Federacije Bosne i Hercegovine dostave informaciju o mandatima i statusu članova uprava i nadzornih odbora.

2. Zadužuju se federalna ministarstva, federalne uprave, federalne upravne organizacije, federalne ustanove i druge federalne institucije i službe, a naročito Agencija za državnu službu Federacije Bosne i Hercegovine, da odmah obustave sve započete konkursne procedure za prijem i postavljenje državnih službenika, kao i prijem namještenika, uz izuzetak koji na prijedlog resornog ministarstva odobri Vlada Federacije Bosne i Hercegovine.

3. Pozivaju se članovi uprava i nadzornih odbora privrednih društava sa učešćem državnog kapitala u kojima federalna ministarstva vrše ovlaštenja organa Federacije Bosne i Hercegovine, da se stave na raspolaganje razvojnim politikama Vlade Federacije Bosne i Hercegovine i federalnim ministarstvima koja će je provoditi, u skladu sa važećim zakonskim propisima.

4. Zadužuju se resorna federalna ministarstva da Vladi Federacije Bosne i Hercegovine dostave prijedloge akata za poništenje raspisanih javnih konkursa i raspisivanje ponovnih javnih konkursa.

5. Zadužuju se sve ustanove, institucije, zavodi, agencije čiji je osnivač Federacija Bosne i Hercegovine i privredna društva sa učešćem državnog kapitala da odmah obustave započete javne konkurse i prijeme u radni odnos, uz izuzetak koji na prijedlog resornog ministarstva odobri Vlada Federacije Bosne i Hercegovine.

6. Ovaj zaključak stupa na snagu danom donošenja.

V. broj: 664 /2023
04.05.2023. godine
Sarajevo



PREMIJER
Nermin Nikšić



Bosna i Hercegovina, Federacija Bosne i Hercegovine, AGENCIJA ZA DRŽAVNU SLUŽBU
Босна и Херцеговина, Федерација Босне и Херцеговине, АГЕНЦИЈА ЗА ДРЖАВНУ СЛУЖБУ
Bosnia and Herzegovina, Federation of Bosnia and Herzegovina, CIVIL SERVICE AGENCY

OBAVJEŠTENJE O OBUSTAVI ODRŽAVANJA ISPITA OPĆEG ZNANJA I STRUČNIH ISPITA


Obavještavaju se kandidati koji su se prijavili na Javne konkurse objavljene na zahtjev federalnih organa, da je Vlada Federacije BiH, dana 04.05.2023.godine, donijela Zaključak o obustavi svih započetih konkursnih procedura za prijem i postavljenje državnih službenika. Ranije zakazani ispiti općeg znanja i stručni ispiti obustavljaju se do daljnjeg.

O daljem statusu objavljenih javnih konkursa, kandidati će biti blagovremeno obavješteni putem službene web stranice Agencije za državnu službu Federacije Bosne i Hercegovine.


Sarajevo, 04.05.2023. godine

Agencija za državnu službu Federacije Bosne i Hercegovine

 Hamdije Čemerlića 2, 71.000 Sarajevo

 + 387 (0) 33 552 040

 info@adsfbih.gov.ba

 www.adsfbih.gov.ba; www.hrm.adsfbih.gov.ba

